

六、羅布區域之荒廢及羅布驛站 余上文已述樓蘭北部之放棄，在紀元後四世紀後半期，但南部尙繼續活動，如上文所述，吐番爲見於史書最後活動之民族也。但新唐書稱：『咸通七年，北庭回鶻取西州。斬恐熱。』吐番遂亡。其後中原多故，朝政不能播及西域。自唐末至宋，消息與中國隔絕，羅布區域如何，已不可考，或已近於荒廢矣。新五代史四夷傳附錄于闐條云：『石晉天福三年（公元九八八年）遣貢使官張匡鄴等往，册封于闐王。高居誨記其路程云：『沙州西曰仲雲，其牙帳，居胡盧磧，仲雲者，小月支之遺種也。匡鄴等西行入仲雲界大屯城，仲雲遣宰相四人候晉使者。自仲雲界西始涉鹹磧，無水，掘地得濕沙，人置胸以止渴。又西渡陷河，伐檉柳置冰（水）中乃渡。又西至紺州，爲于闐所置也。』按胡盧疑即漢之伊吾盧，簡稱伊吾。大屯城疑即新唐書地志之七屯城。（七當作大，因形近而譌。）陷河疑即且末河。紺州即今車爾成。是于闐東界抵車爾成矣。故車爾成之東哈密之西爲仲雲領域。又仲雲種姓爲何，史無明文，新五代史稱爲小月支遺種，但同傳又云：『漢小月支故地有朱邪遺族居之。』按新唐書云：『沙陀、西突厥別部，處月同種也。處月自居金婆山之陽，蒲類海東，有大磧名沙陀，故號沙陀突厥。後徙庭州東莫賀城。初沙陀臣吐番，吐番嘗倚其兵力。其酋朱邪盡忠謀歸漢，戰敗死。朱邪執宜收殘衆二千騎歛靈州降，部衆隨之，吐番由此益衰。』按處月即沙陀，爲沙磧之稱。「仲雲」與「處月」「朱邪」皆一聲之轉，突厥語沙磧之義。（二）莫賀城當因莫賀延磧得名，正在哈密之東南；哈密即漢伊吾地也。據此，是仲雲牙帳所居之伊胡盧磧正朱邪舊居之地。朱邪執宜歸唐後，餘衆之不能去者，仍居故地。故稱小月支遺種者，蓋言小月支故地朱邪之遺種也。據此是仲雲爲突厥族之處月部也。但宋史外國傳：『于闐國西南抵葱嶺，東接吐番。』是于闐之東已類於荒廢矣。宋太平興國間，王延德使高昌，由肅州經鎮西至哈密，經闐展東之十三間房而至高昌。則羅布區域之南北兩道已無人行走。是時高昌已爲回鶻所據。由近來東西考古者在吐魯番舊城中所發現之回鶻文及經典甚多，可爲回鶻人佔據之證。于闐當五代之際，其王李聖天來貢，稱「同慶二十九年」，則爲漢族之遺民而建號於絕域者。至宋眞宗大中祥符二年，則稱「黑韓王」。仁宗嘉祐八年，封其王